

حقوقی بیکسیر مجموعه سی

هر آي صوکنده نشر اولنور

یکی تنظیم و تدوین ایدملکده اولان اجرا قانوننک کوستردیککمز محاذیری رفع ایدملک بر شکلده و بر درجه اکلیتده اولق اوزره کلهجک دوره اجتماعیهده قبولی بکلنملکدهدر .

ج . قضاسی محکمہ اصلیه رئیس ع . بک :

تطبیقات قانوننک یکرمنچی و قرق برنجی مادهلرنده محرر مرور زمان مدتلی حقنده کی احکامک یکدیگرندن آیری و مستقل اولدینی مطالعهسندیز .

العزیزه آدرفات امیر رشاد بک :

بارو مجموعه سنک سنه لک آونہ سی ۲۵۰ غروشددر . بک مفید و قیمتی مقالهلرله انتشار ایتکدهدر .
توصیه ایدهرز .

مبوسلی : غاد فرانفر

قانونه مدنی

کفالت عقدی و مکتسب حق

محترم اجرا رئیس احمد رفیق بک افندی « حقوقی بیلکیلر مجموعه سی » نك مارت نسخهسندہ کفالت حقنده بر بند نشر ایتدیلر . بوراده دییورلرکه : « ملغا مجله موجبجه کفالت بر شینک مطالبه سی حقنده ذمتی ذمتہ ضم ایتمکدر . عقد کفالتله کفیل نفسی بورجلی به علاوه وبوصورتله بورجلی طرفنی اصل و کفیل تشکیل ایدر . بونک ایچون اصل آلاجنفی مطالبهده بخیردر . هر برندن آیری ، آیری و یا هر ایکیسندن مطالبه ایدر . بورجلر قانوننک تاریخ مرعیتدن اول اصل و کفیلک تمهدلرینی متضمن و نأثک تنفیذی خصوصندہ احکام سابقه نك اساس اتخادی طبعیدر . چونکه حین عقد کفالتده آلاجلینک بورجلی ایلہ کفیلہ مراجعت صلاحیتنه مستنداً عقده راضی اولدینی ظاهر اولوب بواعتبارله برحق مکتسبی موجوددر . حقوق مکتسبه به قارشی احکام جدیدہ ماقبلنه شامل اولاماز . بوايضاحاته کوره مجله زماننده یاپیلمش اولان برکفالت عقدینک کفیلہ قارشی آلاجللی به بخش ایتدیکی صلاحیت مکتسب برحقدر . بناءً علیه بورجلر قانوننک

مرعیتدن سوکرا بیله بویه بر آلاچقلینک دوغروندن دوغرویه کفیله مراجعت ایتسنه حق واردر. بوقیل حادثه لرده مجله احکامی جریان ایدر. بورجلر قانونسک ۴۸۶ نجی ماده سی یعنی عادی کفالنده آلاچقلینک اول امرده بورجلی به مراجعت ایتسی مجبوری تطبیق اولوناماز. حالبوکه بز اولجه «استانبول باروسی مجموعه سی» نك شباط نسخه سنده مکتسب حقك ماهیت و اوصافی حقنده بر تدقیق نشر ایتش واوراده کفالت عقدینک کفیله قارشی آلاچلی به بخش ایتدیکی صلاحیتک مکتسب برحق اولمادیغنی ایضاحه چالیشمشدق. بو فکر من بعض اعتراضاتی جلب ایتدی. حتی بالذات محترم وقیمتلی مسلکد اشم غاد فراقویک بوقیل کفالت عقدلرینک مکتسب برحق وجوده کتیردکلرینی بزه سویله دیلر. هر حالده بومشله حقنده فکرلرک انقسامه اوغرا دیغنی کورولور. بناء علیه مشله نك اطرافلی بر تدقیقه محتاج اولدیغنده شبهه ایدیه من. احمد رفیق بکک بو مقاله سی اوزرینه بومشله بی یکی باشند بردها تدقیق ایتدک. فقط واصل اولدیغمز نتیجه فکر منک دوغرولفنی اثباتدن عبارت قالدی. ایشته آشاعیده کی سطرلرله بو نتیجه بی ایضاحه چالیشه جغز:

کفالت عقدنده آلاچقلی ایچون مکتسب برحق کورده نلرک باشلیجه استاد ایتدکلری سبب بو عقدک مجله زماننده وقوعه کلش اولسندن دولای آلاچقلینک دوغروندن دوغرویه کفیله مراجعت ایده بیله جکفی درپش ایتدکدن سوکره بو عقده راضی اولدیغنی ایلری به سورمکدن عبارت قالیور. چونکه اگر آلاچقلی کندینسک رأساً کفیله مراجعته حتی اولامیه جغنی بیله ییدی کفالت عقدینه راضی اولمازدی. یکی ایضاحاته انتظاراً، بزه مخالف اولانلرک سرد ایتدکلری اسباب موجب شمذیلک بوندن عبارتدر. فقط بو سبب، بزه اوقدر قوتلی کورونمیور. چونکه حقوقی هر حادثه بی، صرف اسکی قانون زماننده وقوع بولدیغنی وحادثه ده منفعتی اولانک اسکی قانون احکامی واونک کندینسنه بخش ایتدیکی صلاحیتی استعمال ایده جکفی درپش ایده رک بو حادثه نك ایقاعنه راضی اولدیغنی ایلری به سورمک صورتیه بو حادثه بی یکی قانونک تأثیرندن قورتاراجق اولورسه قی او وقت یکی قانونک هیچ بر صورتله اسکی حادثه لره شامل اولاماسی ایجاب ایدر. حالبوکه قانون مدنیمنک بعض احکامده اسکی حادثه لره شامل اولدیغنده شبهه ایدیه من. بناء علیه بومشله بی تطبیق قانونسک احکامی داخلنده وکفالت عقدیه مکتسب حقك ماهیتلری نظر دفته آلتق صورتیه تدقیق ایتلی یز.

تطبیق قانونك دردنجی ماده سندن آ كلا بورز كه بر حادتهك مجرد اسكى قانون زماننده وجود بولش اولسى اونك حقنده اسكى قانونك تطبیق ایدیلنى اقتضا اتمز . بو حادته دن مكاتب برحقده تولد اتمش اولمیدر . بناءً علیه مجله زماننده وجود بولش بر حادته حقنده اسكى ویکى قانوندن هانكيسنك تطبیق ایديله جكنى تعیین ایده بيلمك ایچون اول امرده بو حادته دن مكاتب برحق وجوده كلوب كلدیكنى تدقیق اتمك كمز لازم كلر . چونكه هر حقوقى حادته مكاتب برحق تولید اتممز . بعضاده تولد ایدن حق (محممل expectative) بدرجه ده قالر . ایشه اسكى بر كفالت عقدى حقنده هانكى قانونك تطبیق ایديله جكنى تعیین اتمك ایچونده بو عقدك حقوقى بر حادته اولدینى نظر دفته آله رق كندی سندن مكاتب برحق وجوده كلوب كلدیكنى تدقیق اتملی ز . شو حالده مسئلهك حلی ایچون اول امرده كفالت عقدینك آلاچقلى ایله كفیل آراسنده ناصل بر حقوقى رابطه وجوده كتیردیكنى و بو رابطهك ماهیتی نهدن عبارت اولدینى ثبیت اتمك ودرجه ثانیه ده «مكتسب حق» تعیرینك ناصل بر مفهوم افاده ایتدیكنى آرامق وبعده بونلری قارشیلادیر هر حق حاصل اولان نتیجه یی كوسترتمك ایجاب ایدر .

*

بر بورجه كفالته ده ، كفالت عقدینك كفیل ذمتده وجوده كتیردیكى وجیههك نهدن عبارت اولدینى وقتيله مختلف فیه بر مسئله حالده قالمشدى . فقها دن بر قسمی كفیل ذمتده ثابت اولان شی یالکز حق مطالبه در ، دیدكلری حالده دیگر بر قسمده دین اولدینى ادعا اتمش لردی . معلوم اولدینى اوزره بو بحث فقه كتابلرنده اوزون اوزادی به تدقیق و مناقشه اولومشدر . طبیعى بو مناقشه لری بوراده تکرار ایده جك ده کیلز . مجله برنجی قسم ارباب حقوقك رأیلرینه اشتراك ایده رك كفیلك ذمتده یالکز حق مطالبهك ثابت اولدینى قبول اتمشدى . مجلهك كفالتی تعریف ایدن ۶۲۲ نجی ماده سندن بو آ كلا شیلور ایدی . بو نجی كوزل بر شكلمده و تفصیلا تیله تدقیق ایدن مجله شارحی علی حیدرافندى حضرتلری دیور كه : «برنجی قسم علمانك استناد ایتدكلری دلائل شوندن عبارتدر : اول : توثق یعنی موجب كفالت كفیل ذمتده حق مطالبهك ثبوتیه حاصل اولور . دینك ذمت كفیله ثبوتی اعتباره حاجت یوقدر . ثانیاً : دین بعدالكفاله دخی ذمت اصیلده كاكان باقیدر . بو حالده ذمت كفیله ثبوت دین تصور اولوناماز . زیرا ، دین واحدك ایكى دین قلمسى ایجاب ایدر . بوايه قلب حقیقتدر . ثالثاً : بری ذمت اصیلده دیگرى ذمت كفیله

اوله رق ایکی دین ثابت اولسی خصوصی قبول اولوندینی تقدیرده بونلردن یالکیز برسی استیفا اولنه بیلوبده دیکرینک استیفا سنک جائز اولماسی مستحیلدر [۱]». حالبوکه بورج بردفعه مدیوندن استیفا ایدلدکن صوکره آرتق کفیلدن استیفا سی جائز اولامازدی . ایشته بو قوتلی سبیلره استاد ایدن مجله جمعیتی ۶۲۲ نجی ماده یی بدوین ایدره ک کفیلک ذمتنده ثابت اولان شینک حق مطالبه دن عبارت اولدیغنی تثبیت ایتدی [۲].

بواضا حاندن آکلاشیلورکه کفالت آلاجلایه آنجق مطلوبی کفیلدن ایستیه بیلیمک صلاحیتی ویرمشدرد. یوقسه کفیلک ذمتنده بر دین ثابت اولمش دکلدر. حالبوکه آلاجلایک بوسالاحتی استعمال ایدوب ایتیه چکی کفالتک حین وقوعنده بللی اولاماز. چونکه بورجلی بورجی اوده دکن صوکره آلاجلایک کفیله مراجعت ایتیمسه طبیعتیه لزوم قالماز. شو حالده بومطالبه حق کفالت عقدینک حین وقوعنده آلاجلایک ایچون استعمالی مشکوک ویا محتمل بر صلاحیت حالنده وجود بولور. بواحتمال؛ مطالبه صلاحیتک استعماله قدر دوام ایدر. استعمال واقع اولمادقچه بواحتمالیت زائل اولماز. ایشته کفالت عقدینک کفیله قارشى وجوده کتیردیکی حقوقی رابطه آلاجلایک ایچون بویله استعمالی محتمل بر صلاحیتدن عبارتدر. بوایشه «مکتسب حق» اصطلاح قانونیسنک افاده ایتدیکی مفهومه توفیق ایدیله مز .

•••

مکتسب حق نه دیمکدر ؟

یکی بر قانونک اسکی حادثه لره واونک نتیجه لرینه صورت تطبیقی تدقیق ایدن بعض مؤلفلر بو خصوصده عمومی بر قاعده وضع ایده بیلیمک ایچون حقاری ایکی به آیرمق مجبوریتنده قالدیلر «مکتسب حق droit acquit» «محتمل حق droit expectatif» . برحق اگر مکتسب برماهیت آلمش ایشه یکی قانون بوکا هیچ بر صورتله تأثیر ایده مز. اگر محتمل بر درجه ده قالمش، امید وانتظار وضعیتدن چیقماش ایشه او وقت یکی قانون احکامنه تابعدرلر. حقوق مدنی مدرسی «هانری قاپتان» بوقلاسیک تصنیفک ایلک دفعه اوله رق ۱۸۰۹ تاریخنده موسیو «بیلوندو» طرفندن ایجه ایضاح ایدیله بیلدیکنی ذکر ایدیور .

[۱] علی حیدر افندی مجله شرحی: جلد ۲ .

[۲] عینی اثرک عینی جلدی .

بر قسم مؤلفان بر تصنیف بکنمزلر. پروفور «مارسل پلانیول»، پروفور «ژورژ ریپز»، «واردی-صومیر» بومیانده صایلابیلرلر. «مارسل پلانیول» دیور که: «هیچ بر کیسه حق مکتبی شایان قبول بر شکلده تعریف ایده مز. واقعا دنیلیور که مکتب حق قطعیت کسب ایده رک تحقق ایش بر-قدر. بوکا بر دفعه مالک اولاناردن بو حق نزع ایدیله مز. حالبوکه محتمل حق هنوز دو غماش و دو غماشی بر احتمال و امید درجه سنده قالمش بر حقدور. فقط بو طرز تفریق بر قاعده عمومی اخذ ایدیله مز. هر زمان مابه التطبيق بر «قسطاس critérium» وجوده کتیره مز. حتی بونک ایچوندر که وضعیتی دهایی ایضاح ایتک ایستین «لوران» بر تصنیف ترک ایده رک «حق droit» ایله «منفعت intérêt» آره سنده بفرق بولوب یکی قانونک تطبیقاتی اوکا کوره تعیین ایتک ایسته مشدر [۱]. بو جغیر مؤلفیندن «هوق» طرفندن ده تعقیب ایدلدی [۲]، حالبوکه بر تصنیفکده علمی هیچ بر قیمتی یوقدر. چونکه «حق» قانونک طانیدینی بر «منفعت» دن بشقه برشی دکدر [۳]. پروفور «هازی قاپتان» «کوره مکتب و محتمل دییه حقاری ایکیه آیرمق مسئله نک حلنه کافی کله مدیکی کبی اساساً بر تصنیف نام برشیده دکدر. «چونکه مکتب بر حق محتمل بر حقدن ناصل تفریق ایده جگمزی اکثریا تعیین ایده مز. واقعا بر تصنیف حد ذاتنده بر حقیقته استناد ایدیور. فقط احمیتی اعظام ایدلدیکی کبی حادثه لرده تطابق ایده مز. مع مافیه اجتهادات محاکم اکثریته حاکم اولان بر تصنیفدر [۴].

بر تنقیدلره جواب ویریله بیلر. اول امرده بو ایکی قسم حق آره سنده فارق اوصافی کوستر مک مشکل اولسه بیله غیر ممکن عد ایدیله مز. درجه ثانیسه ده تطبیق قانونک

[۱] لوران. «فرانسز حقوق مدینک اساسلری - Principes du droit civil français» چایس. برنجی جلد. نومرو: ۱۵۳ - ۱۶۱.
[۲] هوق. «قانون مدنی شرحی - Commentaire du code civil» برنجی جلد. نومرو: ۶۰.

[۳] «مارسل پلانیول» و «ژورژ ریپز». «حقوق مدنی شرحی - Traité élémentaire du droit civil» برنجی جلد. نومرو ۲۴۱ اوننجی طبع.

[۴] «هازی قاپتان - آمبرواز قولن». «حقوق مدنی شرحی - Cours élémentaire de droit civil Français» برنجی جلد صحیفه ۵۰ - ۵۱. دردنجی طبع.
«هازی قاپتان». «حقوق مدنی تبیینه مدخل - L'introduction à l'étude du droit civil» صحیفه ۸۱ - ۸۲. دردنجی طبع.

دردنخی ماده‌سی حق مکتسبه احکام تفرع ابتدیریور. بناءً علیه مادام که واضع قانون بوقلاسیک تصنیفی قبول ایتشدر، شو حالده بوتصنیف ایله مشغول اولماق وبونی اعمال ایتمک مجبوریتمده یز.

مهرلن؛ وولت؛ بودری-لاقانینه‌ری؛ ویرژیل روسل کبی حقوق مؤلفاری مکتسب حثک تقریقی ایله مشغول اولمشلردر. مکتسب حق الک اینی برشکلده تعریف ایدن «بودری-لاقانینه‌ری» دییور که: «مکتسب حق مختلف مؤلفار تعریف ایتشلر سده بزم آکلادیغمز کوره بوتعیرک افاده ایتدیکی معنا اصولی دائره‌سنده استعمال ایدیلش قانونی برصلاحیتدن عبارتدر. فی الحقیقه قانون بزم ایچون برطاقم حقوق طانیمشدر که بونلر استعمال ایدوب ایتهمکده سربست اولدیغمز مختلف صلاحیتلری افاده ایدرلر. بونلردن هانکیسی قانونک کوستردیکی اصول دائره‌سنده استعمال ایدرسه ک بزم ایچون مکتسب برحق وجوده کلش اولور. استعمال ایتهمکده کلمزده «محممل حق» حالنده قالیرلر. شو حالده برقانون دکیشدیکی زمان هنوز استعمال ایدیلشمش اولان حثکر «محممل» استعمال ایدیلش بولانلرده «مکتسب» اسمنی آلیرلر. پروفور «مارسل پلانیول» «مکتسب حق» ایچون مختلف مؤلفار طرفندن درمیان اولنان تعریفلری قولایجه تنقید ایتدیکی حالده بزم بوتعریفمزدن هیچ بحث ایتهمکده در. بزه اوایل کلیور که محترم عالم تعریفمزدن کی اساسه مخالف دکلددر. چونکه برقانونک ماقبله شامل اولسی نه دیمکدر؟ سؤالی ایراد ایدهرک شویله برفورمول ایلری به سوریلور: برقانون اکر کندی مرعیتدن اول وقوع بولمش بر حادثه‌نک سختی تعین ایتمک یاخود برحقک اولجه وجود بولمش نتیجه‌لرینی تبدیل ویا رفع ایتمک صلاحیتی حائز ایسه اوقانون ماقبله شاملدر. بویله اولمادیفی تقدیرده اوقانون ماقبله شامل دکل دیمکدر. بوقانونک، کندی مرعیتدن اول وجود بولمش برحادثه‌نک مستقبل نتیجه‌لری اوزرنده تأثیر یامسی بوقانونک کندی زماننده تطبیق ایدلمسی دیمکدر. ایشته «مارسل پلانیول» ک بوفورمولی ایله بزم تعریفمز آره‌سنده بیوک برمشابهت وارددر. فی الحقیقه برحادثه‌نک اولجه وجود بولمش نتیجه‌لریله مستقبل نتیجه‌لری آره‌سنده کی فرق «حق» مفهومی آلتنده طانیدیغمز هرهانکی قانونی برصلاحیتک استعمال ایدیلوب ایدیلشمسی آره‌سنده کی فرقدن بشقه برشی دکلددر. استعمال ایدیلش برصلاحیت اولجه وجود بولمش برنتیجه؛ استعمال اولنامش صلاحیتده استقباله وجود بولاجق برنتیجه‌دن عبارتدر. چونکه هر استعمال اولنان صلاحیتک حقوقی برنتیجه

تولید ایتسی ضروریدر. شو حالده « پلانیول » ك بزمكندن دها واضح، دها قطعی
 رشكده افاده ایده مدیكى بوفورمول ایله بزم تعریفمز آره سنده اساسلی بفرق
 كوسته ریله مز [۱].»

« ویرژیل روسهل » مكاتب حقندن بحث ایدركن « برطاقم حادثه لر واردركه -
 دیور - كندی باشلرینه حقوق نتیجه لر تولید ایتسه لر بیله بونتیجه لر احتمالی بدرجه ده
 قالیرلر، برامید تشکیل ایدرلر. بو احتمالك تحقق ایتسی ایچون دیگر حادثه لك كندیلرینه
 یاردیم ایتسه وباشقه شرائطك وجود بولسه احتیاج واردر. ایشته بونتیجه لر احتمالی
 بدرجه ده وامید حالده بولندقلری زمان « محتمل حق » و احتمالك تحقق ایتدیكى زمان
 « مكاتب حق » اسمی آلیرلر [۲].»

کورولیوركه « بودری - لاقانتیه ری » ایله « ویرژیل روسهل » ك مكاتب حق
 مفهومی آكلایشلرنده اساسلی بفرق یوقدر. چونكه « روسهل » ك یاردیجی دیدیكى
 حادثه وشرطلر اکثر احوالده قانونی بر صلاحیتك استعمالندن بشقه برشی دكلدر.
 فی الحقیقه قانونی بر صلاحیت هر حالده حقوق بر حادثه دن دوغار. بناءً علیه بو صلاحیت
 حقوق حادثه دن دوغمش حقوق بر نتیجه در واستعماله آماده بر حالده در. یاردیجی دنیلن
 حادثه ایسه بو صلاحیتك استعمالی حادثه سیدر. شو حالده « مكاتب حق » ك « بودری -
 لاقانتیه ری » طرفندن یاپیلان تعریفی باشلیجه مؤلفك یكى قانونك اسكى حادثه لره صورت
 تطبیقی تعیین ایچون ایلری به سوردكلری اساسلره موافقدر. بناءً علیه بونی کمال امنیتله
 قبول ایده بیلیرز.

اك نهایت « مكاتب حق » اصطلاحیله واضع قانونك قصدایتدیكى معنائكده بوتون
 بوسطرلرله ایضاحنه جالشدیغمز مفهومندن عبارت اولدیغنی اشارت ایتلیز. فی الحقیقه
 تجارت قانونك صورت تطبیقه دأر اولان قانونك اونجی ماده سی شو یولده یازیلشدر:
 « صورت عمومیه ده تجارت قانونك موقع تطبیقه وضعی زماننده احكامی هنوز ایفا
 ایدلمش اولان تجاری عقود و مقاولات یكى قانون تجارت احكامنه تابعدر. بو ماده یی
 الهام ایدن اساس احكامی ایفا ایدلمش اولان عقود و مقاولاتك كندیلرندن هنوز

[۱] بودری - لاقانتیه ری. هوك فورقادر. « عملی و نظری حقوق مدنیه شرحی *Traité*

théorique et pratique de droit civil برنجی جلد. صحیفه ۱۰۰ - ۱۱۱.

[۲] ویرژیل روسهل. « اسویمجه قانون مدنیی شرحی *Manuel du droit civil*

Suiss اوچنجی جلد. صحیفه ۳۵۰.

برحق مکتسب وجوده کلمه مش اولمسیدر. عاقدلر بو عقود و مقاولاتک کندیلرینه بخش ایشدکلری صلاحیتلری استعمال ایتمه مش اولقله بو بایده کی حقیرنی تحریک ایتمه مشلر و بالتیجه مکتسب برحق وجوده کتیرمه مشلر دیمکدر .

واقعا بوماده تجارت مسائله طأندر . آنجق واضح قانونک عمومی پرنسپلری تعین ایدرکن مشترک براساس داخلنده حرکت ایده چکی شبهه سز اولدیغندن بوماده بی ده عمومی برقاعده نك افاده سی اوله رق قبوله مجبورز .



شمدی بوتون بوايضاحات و تدقیقاتک بزی ایصال ایتدیکی نتیجه یی خلاصه ایدلم :

عقد کفالت ایله کفیلک ذمتنده آلاجلقی به قارشى ثابت اولان شی محتمل بر مطالبه حقندن عبارتدر . بونک مکتسب بر حق ماهیتى آلمی ایچون آلاجلقی طرفندن بر مطالبه صلاحیتک استعمال ایدیلش اولمی لازمدر . حالوکه بورجلر قانونک مرعیه داخل اولدینی تاریخه قدر آلاجلقی بو صلاحیتی استعمال ایتمه مش اولسنه کوره کفالت عقدندن آلاجلقی ایچون هنوز مکتسب بر حق وجوده کلمه مشدر . بناءً علیه تطبیق قانونسک دردنجی ماده سی موجبنه هر نه قدر کفالت عقدی مجله زماننده وقوع بولش بر حاده ايسه ده یکی قانونک مرعیتندن اول کندیسندن مکتسب بر حق وجوده کلمه مش اولمسندن دولابی حادثه ده بورجلر قانونک ۴۶۸ نجی ماده سنک تطبیق لازم کلیر؛ کفیلک بورج ایله مطالب اولایلمسی ایچون بورجلینک افلاس ایتسی یاخود تعقیبات اجرا ایدیلوبده آلاجلقینک خطاسی اولقسزین ثمره سز قالسی یاخود بورجلی علیهنده تورکیاده تعقیبات اجراسنک امکانشز بر حاله کلسی مشروطدر .

بو صورته اسکی کفالت عقدلرندن متولد دعوالرده یکی قانون احکامنک تطبیق لازم کلدیکنک محاکم اجتهادلرله ده تأید ایتدیکنی کور و بورز . اخیراً برنجی تجارت محکمه سنک بو یولده بر قرار و یردیکنی محترم دوستم آووقات حسن فرید بک سوبیلدیلر . واقعا محکمه بو قرارى اتخاذ ایدرکن تجارت قانونسک صورت تطبیقه دائر قانونک اونجی ماده سنه استناد ایدیور و اول امرده دعوايه اساس اولان کفالت عقدینک هنوز احکامی ایفا ایدیلمه مش تجاری بر عقددن عبارت اولدیغنی تثبیت ایتدکدن صوکره بوماده موجبنه حادثه نك یکی قانون تجارت احکامنه تابع اولسنه و بناءً علیه تجارت قانونک ایکنجی ماده سی دلاتیله آلاجلقینک بورجلر قانونسک ۴۸۶ نجی ماده سنه توفیقاً اول امرده

بورجلی به مراجعت ایتمسه لزوم کوروور. آنجق بو اونجی ماده‌یی واضع قانونه الهام ایدن اساس یوقارده ده ایضاح ایتدی کمزوجهله مکتسب حق نظریه سندن باشقه برشی دکلدرد. ان نهایت مدافعه ایتدی کمز فکرک بالذات احمد رفیق بکک تصویب و مدافعه ایتدک لری حقوقی برره نسیبده موافق اولدیغنی علاوه ایتملی ز. فی الحقیقه احمد رفیق بکک بومقاله سنده دیورلرکه: «کفیلرک مجرد کفیل اولور میسک تکلیفی قارشیسنده فوره لحوق رضالری اوزرینه مؤسس شکل کفالتدن دولایی کنیدلرینه ابراز سهولت ایتمکی واضع قانون دوشونمشدر. وبه کنج و دینج جمهوریتیزک قانونلری منافع و احتیاجات ملیه مزه و معاصر مدینتک تلقیات حقوقیه سنه کوره تنظیمی خصوصنده مشکور خدماتنک فیضلی نتیجه لرندن معدوددر، شو حالده یکی قانونک آلا جقینک اول امرده بورجلی به مراجعتله بر ثمره استحصال ایتمدکجه کفیله مراجعت حق اولاماسی قاعده سنک عدالتدها اولغون و کفیلر ایچون دها سهولتی موجب اولدیغنه قناعت کتیر مشلر دیمکدر.

نظریات حقوقیه دخی ایشک بویه اولدیغنی فرض ایدر. فی الحقیقه یکی قانونک کفالته عائد اولان احکامنک اسکی قانونه نظر آدها سالم ودها عادل اولمسی لازم کلیر. پارس حقوق فاکولته‌سی حقوق مدنیه پروفیسوری «هانری قاپتان» باقکزه دیور:

«هر یکی قانونک کنیدسنی استخلاف ایتدیکی قانوندن دها ایی اولدیغنی مفروضدر. چونکه واضع قانون یکی بر قانون وضع ایتدیکی زمان بونی آنجق وضعیتی اصلاح ایتمک و موجود اولان سوء استعماللری تصحیح ایتمک مقصدیه یابدیغنی شه سزدر. بوندن آکلاشیلیرکه واضع قانونک یکی قانونک نفوذی آلتنه آلمق ایستدیکی شی یالکز استقبالده تمام اوله جق حادثه لر دکلدرد. اسکی قانون زماننده وجود بولان حادثه لرک یکی قانون زماننده تحصیل ایدوب انکشاف ایدن نتیجه لرینده بو نفوذ تابع طوتمق ایستدر. لغو ایدیلش بر قانونک احکامنی استقبالده تشمیل ایتمک، یکی قانونک احکامنه رغماً، واضع قانونک آرتق مرعیتی ایسته مدیکی بر قانونک احکامنی محافظه ایتمک غیر منطقی اولاجقدی. بناء علیه یکی قانونی حین نشرنده موجود اولان بوتون حقوقی وضعیتلرله حقوقی مناسبتلر حقنده تطبیق ایتمک و بونلرک استقبالده حاصل ایده جکلری نتیجه لری یکی احکامه کوره تعین ایتمک لازمدر. یکی قانونک تطبیقنده اتباعی لازم کلان پره نسیب ایشته بوندن عبارتدر. [۱] حق مکتسبلر استننا ایدیلدکجه بو پره نسیب شایان توصیه در. نته کیم هانری

[۱] هانری قاپتان «حقوق مدنیه تبعیه مدخل» «L'introduction à l'étude du

قاپتان دم مکتسب حقارک استثناسیله بو پرهنسی تطبیق قوانین ایچون شایان توصیه بولور. شو حالده مجله زماننده وقوعبولش اولان کفالتله استناداً یکی قانونک مرعیتدن صوکره حرکت کلان آلاچقلی حقنده یکی قانون احکامنی تطبیق ایتمک بو پرهنسیه موافق وعادلانه بر حرکت اولور. و کفالتدن مقصود اولان وثوق و تأمیناته خلل کلکسزین ضرورتلرده مقدارلرنجه تقدیر ایدیلش بولور. فی الحقیقه طبیعی ومعقول بر سلسلهیه رعایت ایتمک لازم کلیرسه آلاچقلیک اول امرده اصل بورجلییه کیتمسی و آنجق امکانسزلق مواجهه سنده قالاچق اولورسه کفیله مراجعت ایتمی ایجاب ایدر. وطن ایده رزکه عقل سلیمک کوستردیکی یولده بوندن عبارتدر. یکی قانونده بو یولی طوتدیفنه کوره آرتق اسکی قانونک آرقاسندن قوشمق ایچون جدی بر سبب قالمش دیمکدر.

خلاصه، مسئله هر نه طرفدن تدقیق ایدیلیرسه ایدیلرین اسکی کفالتلری یکی قانون احکامنه تابع طوتمق لازم کلیور. مجرد آلاچقلیک رأساً کفیله مراجعت صلاحیتیه مستنداً عقده راضی اولدیغنی ایلرییه سورمک برشی اثبات ایتمز. چونکه یکی قانون آلاچقلیک کفیله قارشی اولان حقنی اسقاط ایتمش دکلدرد. اورتهده کی فرق بر سلسلهیه رعایت ایدوب ایتمه مک انحصار ایدیور. منطقی ومعقول بر سلسله بولنش ایکن بونی تعقیب ایتمه مک بزه توحاف کلیر.

آوو قات

مردی ملیم

[قیمتلی آرقداشمزک بو مقاله سی قارئلرمن طرفندن ممنونیتله اوقونه جنی طبیعیدر. منطقنک قوتنه وافاده سنک سلاسته تقدیر خوان اولقله برابر الده ایتدیکی نتیجهیه اشتراک ایله میه حکم. کفیلک مجلهیه کوره وجیهه درعهده ایتسی ایله برابر وعدهده مدیون طرفندن ادای دین ایدلمدیکی تقدیرده کندیسنه مراجعتی خصوصنده دأنه برحق مکتسب بخش ایتشدرد. مقاله ده موضوع بحث ایدلمدیکی وجهله برنجی تجارت محکمه محترمه سی مجله زماننده منعقد بر کفالت حقنده یکی قانونک لزوم تطبیقه قرار ویرمش ایسه مارالذکر اعلام محکمه تمیزجه نقض ایدیلرک مجله زماننده منعقد کفالتلره مجله احکامنک تطبیق مجبوری محکمه علایجه تقرر ایتشدرد. بو اعلام منقوض مجموعه مزک کچن نسخه سنده مندرجدر (ص ۵۹۳ اعلام نومروسی ۳۱۰۹ تاریخی ۲۰ نیسان ۱۹۲۷. مدعی: صالح و شریکی مؤثر، مدعی علیه حسین رحمی) غ. ف.]